

B

- (V)irtus Assyria testatur ut orthographia,
 Enituit primo sub regum principe Nino:
 Condidit hic jura, fuit illi bellica cura.
 Marte premens populos, referens quam sepe triumphos,
 5 Semiramem duxit uxorem, Ninive struxit,
 Que Jonę vati fuerat post causa pericli,
 Quem sibi transmissum mare sorbuit ut fugitivum,
 Sed post naufragium piscis vomuit redivivum.
 At votis rudibus molitur prelia Ninus,
 10 Exercet teneros usu virtutis ephebos.
 Cogit tyrones varios perferre labores,
 Imbuit inberbes, armis instruxit inermes.
 Instituit juvenes, docuit pugnare clientes,
 Muniri galeis, clipeos portare lacertis.
 15 Accingi pharattris¹⁾, adversa ferire sagittis,
 Hastas vibrare, cum vexillis equitare,
 Loricis, ocreis, imponere tegmina menbris,
 Castra movere tubis, aciem deducere signis.
 Discunt inbelles, bello temptare rebelles,
 20 Et molles ense digitos torquere rigente,
 Stringere mucrones, et in hostes ire feroces:
 Cordibus audaces, et viribus esse minaces,
 Funda vel jactu, jaculis, assultibus, arcu,
 Et bene stratorum placet illis cursus equorum.
 25 Assuescit fortis, contempnere vulnera mortis,
 Commoto felle satiari sanguine velle.
 His studiis clarum regnum fuit Assyriorum.
 Rex Ninus moritur, aula regina potitur.
 Ninus decessit, Semiramis arma capessit.
 30 Hec cinxit muro Babylonem non ruituro,
 Sublimi cubitis scriptura teste ducentis,
 Et caput hanc regni statuit fore jure perenni.
 Ipsa furore gravi dum sola parat dominari,
 Privignum patrio proturbat Trebeta regno.
 35 Trebeta tam seve declinans arma noverce,
 Profugus in terra que nunc est Gallia dicta,
 Nominis heredem fundavit Treberis urbem.
 Floruit hec late vigit quia nobilitate²⁾,
 Rebus abundabat quia multis imperitabat.
 40 Pax fuit indulta Treveri per tempora multa,
 Donec Romanis pulsari ceperat armis.
 Cesar et Augustus sceptris et honore venustus,
 Pressit eam bellis, quassabat menia telis.

1) So die Hs. 2) Dieser Vers ist auf dem unteren Rande nachgetragen.